



Inatsisartuni ilaasortat

UKA2018/217-ip aappassaaneerreqarnerani apeqqtunut allakkatigut akissuteqaat

26-11-2018
Suliaq normu: 2017-20532
Id normu: 35862265

Asasakka Inatsisartuni ilaasortat

Immikkoortup UKA2018/217-ip aappassaaneerreqarnerani Inatsisartuni oqallinnerup malitsigisaanik, matumuuna allakkatigut akissuteqaat nassiuppara.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqt:

Illu sanaqataaffiusoq, soorlu ukiut qulit qaangiunnerini tunineqassapat, illup sanaqataaffiusup tunineqarneranut atatillugu taarsigassarsiat erniaqanngitsut akilersugassaangitsullu isumakkeerneqarnissaannut periarfissaqarpa?

Akissut: Siunnersuummi § 9, imm. 2-mi aalajangersarneqarpoq, taarsigassarsiat erniaqanngitsut akilersugassaangitsullu ukiuni 20-ni amerlaqatigiinnik nalikilliaruaartinneqassasut. Tassalu siunnersuummi taarsigassarsiat, sionatigut ukiuni 33-ni nalikilliaruaartinneqartarsimasut, maanna ukiuni 20-ni nalikilliaruaartinneqartalernissaannik paasineqassaaq.

Tassalu taarsigassarsiat taarsigassarsisoq ernianut akilersugassanullu akiliuteqartinneqartarani ukiut tamaasa 1/20-inik nalikillineqartassapput. Sanaqataasup sanaqateqarluni illuliami najugaqarnerani taarsigassarsiat erniaannut akilersugassartaanullu akiliisoqartassanngilaq. Sanaqataasooq illumi sanaqataaffiusumi najugaqaannarniarluni aalajangerpat, aallarniutitut akiligassaq kisimi akilerneqassaaq.


Sanaqataasooq ukiut qulit qaangiunnerini inissiamiit nuunniarluni aalajangerpat, taamaalillunilu taarsigassarsiat akiligassanngortinneqarpata, taarsigassarsiat ukiuni qulini nalikillereersimassapput (10/20). Tassalu taarsigassarsiat affaat nalikillissutaareersimassapput. Sanaqateqarluni illuliamut taarsigassarsiat 1.500.000 koruuniusimappata, ukiut qulit qaangiunnerini 750.000 koruuninngorsimassapput.

Sumiiffik aammalu illup sanaqataaffiusup aserfallatsaaliugaanera apeqqutaatillugu sanaqateqarluni illuliortup taarsigassarsianik akileereernermini illu iluanaaruteqarfisinnasaminik tunisinnavaa. Aamma illu sanaqataaffiusoq piumasaqaatit allanngortinnagit piginnittumut nutaamut tunniunneqarsinnaavoq. Tassalu piginnittunngortup illu tigussavaa, piumasaqaatillu allanngortinnagit akiitsut sinneri tigussallugit.

Tamatumunnga taarsiullugu sanaqateqarluni illuliortup illu sanaqataaffiusoq kommunalbestyrelsimut tunniussinnaavaa, kommunalbestyrelsillu illu sanaqataaffiusoq tunissanerlugu imaluunniit inissiatut attartortittakkatut allanngortissanerlugu

aalajangissavaa. Illup sanaqataaffiusup niuerutigineqarnermini taarsigassarsisup illumut sanaqataaffiusumut taarsigassarsiaasa sinnerinit appasinnerusimasinnaanerat apequtaatinnagu, kommunalbestyrelsi illumik sanaqataaffiusumik tigusinissamut akuersippat, taarsigassarsisup akiitsuusa sinneri kommunalbestyrelsimut tunniunneqassapput.

Inussiarnersumik inuulluaqquillunga



Erik Jensen